

AD CARDINALITIAM

511

QVÆSTIO MEDICA, MATVTINIS CONCERTATIONIBVS DISCVTIENDA IN SCHOLIS MEDICORVM, DIE IOVIS XXI MAII, MAGISTRO

IOANNE DEGORRIS MEDICO REGIO, MODERATORE PRVDENTISSIMO.

Vtrum in acutis sudores optimi?

IN humoribus vitæ necesseque fatalis necessitas. Totus homo humor est; quem qui gignit, auget, alit, sæpe interimit; quantitate & qualitate noxius, excretionis retentioneque inimicus. Semini ignis & aqua insunt, in quo corporis procreandi effingendique diuina virtus, menstruo (penes quem nulla conformatio) denegata delitescit. Quibus id humidius est ac copiosius, minus integrâ sanitate perfruuntur; ac retentum diutius facillimè corruptitur; corruptum venenatum in totum corpus auram expirat, quæ suo ad cor appulsu spirandi vsum tollit, apnoeam hysterica, animi vocisque defectus, syncopas ac sudores frigidos inducit, indeque ad guttur illaqueationis metum, ad cerebrum melancholiæ & cõuulsionis epilepticæ euentum parit. Dulce & vnicum sanguis vitæ existit condimentum eiusque proroganda solum remedium; pituita & bilis utraq; necessaria toti corpori sunt excrementa: quorum tamen incrementum naturæ est deleterium. Ab exuperante sanguine synochi, angina, pleuritides; à pituitâ hydrops, lethargus, epilepsia, paralytis, apoplexia; à flauâ bile phrenitis, caufus, icterus flauus; ab atrâ niger, melancholia, mania, incubus.

EORVM proinde turgentium secura est *xivensis*. Vere quidem & hyeme, cibo iam confecto & post somnum, calidis humidisque iuuenibus, ætateque florentibus innoxia venus est, melancholicorum solatium. At æstate & autumno, ieiuno aut expleto ventriculo, lassato corpore & ante somnum, adolescentibus, senibus, naturis morbisque biliosis insensibilissima, pituitosis amicissima. Rara corpus excitat, frequens soluit. Profusæ ac spontaneæ sanguinis è naribus eruptiones morbos sibi congeneres tollunt, per vim suppressæ, conuulsioneshæboromiâ (qualibet in naturâ, ætate, sexu, regione, tempestate, anni, mensis dieique, non tamen morbi tempore, nec in quouis affectu celebrandâ) sanabiles accersunt. At ex aduerso partis dolentis factæ, malæ sunt; cum tenui circa frontem & thoracem sudore pessimæ. Suspecta omnis est sanguinis stillatio; in ardentibus febribus (quas copiosa soluit *αιμωδία*) lethalis. Atrâ bile vexatis sanguinis per hæmorrhoidas profluvium bonum est. Incunte hydropæ, si incidat diarrhoea, morbum exoluit; & cardialgiam vomitus biliosus.

MORBORVM (quorum duo tantum sunt genera similes & organici) alij tardè, alij citò sua percurrunt tempora. Horum qui acuti nominantur, celeriter, continenter, vehementerque mouentur, ac intra dies quatuordecim iudicantur. Illorum diuturnitas in pepasmi difficultate, malignâ *κακορρυθμία*, vel vitio partis consistit. Hi sæpe à tenui & calido, sæpius ab humore bilioso, nonnumquam etiam à pituitoso. Illi à frigido, crasso & lento semper ortum ducunt. Hi imparibus; illi paribus quoque diebus exacerbantur & iudicantur. Sua tamen omnibus debetur crisis, quamuis cita & perfecta acutorum sit propria, quæ in his *κρίσις έκκεται*, in diuturnis *κρίσις παρασκευασμένη* suscipitur. Vttrouis tamen modo salutatis est, si *ζωοντος*, die critico, securè & ex toto morbum tollat. Nam nisi diebus imparibus febris desierit; aut si quid in morbis post crismi relictum sit, solent reuerti.

CRITICA omnis excretio aut fit per os, aut per aluum, aut vesicam. Sed sudoris species omnibus communis, liberalis & libera totamque corporis compaginem occupans præstantior est & maximè ex petenda. Huius & vitæ communis est materia: hæc tamen naturale; ille præter naturam totius corporis excrementum est: & quâ parte corporis, sicut & calor, aut frigus inest, ibi morbus. Cornei, quibus concreta solidaque ossa sunt, nec sudant nec sitiunt. Anteriore pars posterior, inferiore superior, caput & facies reliquo corpore exudant magis, dormientes vigilantibus, induti nudis, sudorem abstergentes ipsum residere sinentibus, vere & ætate quàm autumno & hyeme. Per ea igitur tempora potius quàm per hæc sudor mouendus est.

INTER sudores, crassi tenuioribus meliores sunt, copiosi parvis, labore concitati spontaneis, calidi frigidis. Hos qui emittunt, diuturnis; qui verò illos, celerioribus conflantur affectibus. Toto effusus corpore bonus est, circa collum tantum, caput & cervicem exudans prauus. Qui pallidis, gracilibus & crebrâ oris saluatione laborantibus in somnis superuenit, bonus. Miliaris & symptomaticus ubique pessimus. Criticus, qui rigorem & criticam sequitur vitæ suppressiorem, optimus. Hinc si ardenti febre laboranti rigor superueniat, morbus soluitur; cui si sudatiuncula tantum accesserit, redibit pro certo. Tenuis in febribus sudores semper mali. In acutis (quorum non omnino certæ sunt mortis aut salutis prædictiones) lethales frigidi; & qui horum apparentiinijs, pessimi. At calidi & die critico, cum integrâ morbi solutione in acutis, ut phrenitide, lethargo, apoplexiâ, caufo, prodeuntes semper optimi.

Ergo in acutis sudores optimi.



Asserebat IOANNES BOVRGEOIS Parisinus. A. R. S. M, DC. XV.